

Adroddiad i'r Cabinet

Dyddiad y cyfarfod: 19 Hydref 2021

Aelod Arweiniol / Swyddog: Aelod Arweiniol Addysg, Gwasanaethau Plant ac Ymgysylltu â'r Cyhoedd / Pennaeth Gwasanaeth Cymunedau a Chwsmeriaid

Awdur yr Adroddiad: Prif Swyddog – Cyfathrebu, Marchnata ac Ymgysylltu

Teitl Fframwaith Dylunio Graffeg ac Argraffu

1. Am beth mae'r adroddiad yn sôn?

1.1. Mae'r adroddiad yma'n sôn am fframwaith dylunio graffeg ac argraffu. Ar 23 Mawrth 2021 rhoddwyd caniatâd i hysbysebu System Brynu Ddeinamig ar gyfer dylunio graffeg, argraffu, baneri ac arwyddion, lifrai cerbydau ac argraffu arbenigol, mae'r adroddiad hwn yn ceisio cymeradwyaeth i ymrwymo i gontract gyda'r cyflenwyr a werthuswyd.

2. Beth yw'r rheswm dros lunio'r adroddiad hwn?

2.1. Mae angen cymeradwyaeth contract i gynnwys cyflenwyr ar y System Brynu Ddeinamig newydd ar gyfer dylunio ac argraffu sydd yn cynnwys argraffu, dylunio graffeg, baneri ac arwyddion, lifrai cerbydau ac argraffu arbenigol.

3. Beth yw'r Argymhellion?

3.1. Cymeradwyo rhestr o gyflenwyr sydd wedi cael eu gwerthuso ar gyfer fframwaith System Brynu Ddeinamig.

4. Manylion yr Adroddiad

Cefndir

Mae gan Sir Ddinbych fframwaith caffael dylunio ac argraffu ar hyn o bryd, i sicrhau bod Sir Ddinbych yn cael gwasanaethau dylunio ac argraffu o ansawdd ardderchog i sicrhau'r gwerth gorau am arian.

Dyma fframwaith sy'n cael ei rannu gyda Chyngor Sir y Fflint.

Diweddarwyd y Fframwaith ddiweddaf yn 2017. Dim ond cyflenwyr yn y fframwaith hwn y dylid eu defnyddio, gan eu bod wedi'u dewis yn dilyn proses gaffael drylwyr. Mae'n rhaid defnyddio'r cytundebau prynu corfforaethol hyn ac mae eu defnyddio'n gywir, fel y nodwyd gan y Tîm Caffael Corfforaethol, yn ddigonol i sicrhau bod swyddogion yn bodloni eu cyfrifoldebau cydymffurfio.

Caiff y gwaith yma ei gydlynu gan y Tîm Cyfathrebu Corfforaethol, a bydd swyddog cyfrifol yn brif gyswllt rhwng dylunwyr/argraffwyr a'r gwasanaethau corfforaethol. Mae'r dull yma, yn galluogi'r Cyngor i gadw rheolaeth agos dros ddefnyddio'r brand corfforaethol, sicrhau cydymffurfiaeth â Safonau'r Gymraeg a sicrhau gwerth am arian.

Y Cynnig

Mae'r cyflenwyr a restrir isod wedi cyflwyno ceisiadau sydd wedi cael eu gwerthuso a dyma'r cyflenwyr rydym yn dymuno eu penodi ar gyfer pob Lot.

Y pump 'lot' caffael

- Lot 1: Argraffu

Fineline, The Eagles, 23 Stryd Clwyd, Rhuthun (roeddynt ar y fframwaith blaenorol)

Lexon, Rush Drive, Ystâd Ddiwydiannol Pen Y Fan, Crumplin, Caerffili (roeddynt ar y fframwaith blaenorol)

Visual Print and Design, Unit 1, Checkpoint Court, Lincoln

Design 2 Print, Builder Street West, Llandudno (roeddynt ar y fframwaith blaenorol)

- Lot 2: Dylunio Graffeg

Elevator Design, 35 West Bute Street, Upper Level Suite 8, Caerdydd (roeddynt ar y fframwaith blaenorol)

Fineline, The Eagles, 23 Stryd Clwyd, Rhuthun (roeddynt ar y fframwaith blaenorol)

JPDS, Trydydd Llawr, Tŵr Rhydfudr, Wrecsam (roeddynt ar y fframwaith blaenorol)

Lawn Creative, 22 Parkfield Road, Aigburth, Liverpool (roeddynt at y fframwaith blaenorol)

Lexon, Rush Drive, Ystâd Ddiwydiannol Pen Y Fan, Crumplin, Caerffili (roeddynt ar y fframwaith blaenorol)

White Fox, The Studio, 24 Maes Celyn, Llaneurgain (roeddynt ar y fframwaith blaenorol)

View Creative, 37 Rhos Road, Bae Colwyn (roeddynt ar y fframwaith blaenorol)

Design 2 Print, Builder Street West, Llandudno (roeddynt ar y fframwaith blaenorol)

Worldspan Creative, Commodore House, Parc Busnes Gogledd Cymru, Abergele

- Lot 3: Baneri ac Arwyddion

Fineline, The Eagles, 23 Stryd Clwyd, Rhuthun (roeddynt ar y fframwaith blaenorol)

Rymack, PFI Signs, Unit 5, Orion Trade Park, Trafford Park (roeddynt ar y fframwaith blaenorol)

Design 2 Print, Builder Street West, Llandudno (roeddynt ar y fframwaith blaenorol)

Lexon, Rush Drive, Ystâd Ddiwydiannol Pen Y Fan, Crumplin, Caerffili (roeddynt ar y fframwaith blaenorol)

- Lot 4: Lifrai Cerbydau

Cwmni cenedlaethol mawr oedd yr unig ymgeisydd llwyddiannus ar gyfer y lot yma.

PVL Uk Limited, Unit 24, Victoria Way, West Sussex

Rydym wedi penderfynu annog cyflenwyr lleol i dendro am hwn a chontractau Cymreig eraill drwy gefnogaeth gan dîm Datblygu Economaidd a Busnes

- Lot 5: Cyhoeddiadau Arbenigol

Lexon, Rush Drive, Ystâd Ddiwydiannol Pen Y Fan, Crumplin, Caerffili (roeddynt ar y fframwaith blaenorol)

Gellir ychwanegu at y System Brynu Ddeinamig yn ystod ei oes o 6 mlynedd, mae'n rhaid i gyflenwyr wneud cais a bydd angen i'r Cyngor werthuso pob cais a gyflwynir o fewn 10 diwrnod gwaith, yn unol â'r ddeddfwriaeth. Os nad yw cwmni'n bodloni'r meini prawf, gall edrych eto dros ei gais ac ail gyflwyno'r ddogfennaeth ar gyfer adolygiad arall. Byddai angen cynnal yr adolygiad yma o fewn 10 diwrnod gwaith ar ôl derbyn y cais.

5. Sut mae'r penderfyniad yn cyfrannu at y Blaenoriaethau Corfforaethol?

Bydd y fframwaith arfaethedig yn darparu gwasanaeth sydd yn werth am arian trwy ragor o gystadleuaeth a dewis sydd ar gael i wasanaethau'r Cyngor. Bydd hefyd yn parhau i ddarparu cyfleoedd i fwy o gwmnïau lleol gael eu cynnwys yn y fframwaith ddiwygiedig.

6. Faint fydd hyn yn ei gostio a sut y bydd yn effeithio ar wasanaethau eraill?

Bydd y costau'n cael eu hysgwyddo drwy gomisiynu gwasanaethau i fodloni eu hanghenion marchnata.

Nid oes yna gostau i gydlynu'r fframwaith mewn cysylltiad â'r adnoddau yn y Tîm Cyfathrebu Corfforaethol

Bydd cymeradwyo'r cyflenwyr yma'n darparu gwerth am arian, yn lleihau'r perygl o gamgymeriadau gan arwain at fod angen ail argraffu neu ail ddylunio.

7. Beth yw prif gasgliadau'r Asesiad o'r Effaith ar Les?

Mae'r prosiect yn annog arfer orau mewn nifer o feysydd nod lles, ac nid oes unrhyw effeithiau negyddol. Gallwn arddangos hyn drwy ddefnyddio'r fframwaith yn effeithiol gyda Chyngor Sir y Fflint dros y blynyddoedd diwethaf. Mae gennym dystiolaeth o arferion da i gefnogi hyn. (Gweler Atodiad 2).

8. Pa ymgynghoriadau sydd wedi'u cynnal gyda Chraffu ac eraill?

Cynhaliwyd trafodaethau gyda thîm Cyfathrebu Cyngor Sir y Fflint, fel partner allweddol yn y Fframwaith.

Mae tîm caffael Sir Ddinbych a Sir y Fflint ar y cyd wedi bod yn rhan o'r System Brynu Ddeinamig.

Mae'r Tîm Datblygu Economaidd a Busnes wedi bod yn rhan o hyrwyddo'r cyfle i gyflenwyr lleol a chael cefnogaeth iddynt ymgeisio lle bo angen.

9. Datganiad y Prif Swyddog Cyllid

Mae hi'n bwysig bod unrhyw wariant yn y maes yma'n cael ei gynnwys o fewn cyllidebau presennol gwasanaethau fel y cynlluniwyd. Nid oes rheswm i awgrymu na fydd hyn yn digwydd a bydd y fframwaith yn helpu i sicrhau cysondeb o ran dull. Mae'r argymhelliad yn cael ei gefnogi.

10. Pa risgiau sydd ac a oes unrhyw beth y gallwn ei wneud i'w lleihau?

10.1. 10.1. Bydd gadael niferoedd diderfyn o gwmnïau ar y fframwaith yn arwain at fwy o gystadleuaeth a llai o waith yn bosibl i'r cyflenwyr presennol ar ein rhestr o ddarparwyr. Serch hynny, bydd cyflwyno System Brynu newydd yn golygu bod mwy o gwmnïau lleol yn gallu cyflwyno (ac ail gyflwyno) ceisiadau i weddu eu hanghenion ac nid oes angen iddynt arall am y broses dendro nesaf, all gymryd pum mlynedd.

11. Pŵer i wneud y Penderfyniad

11.111.1 Gan y byddai'r System Brynu Ddeinamig yn waith ar y cyd gyda Sir y Fflint, y rhagamcan yw y bydd gwariant y contract dros £4 miliwn. Mae'r CPR angen yr awdurdodiad canlynol. (Gweler Atodiad 1).